



Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Quo dies primus et secundus continentur

Bolland, Johannes

Parisiis et Romae, 1866

Prætermissi Et In Alios Dies Relati.

[urn:nbn:de:hbz:466:1-73889](https://nbn-resolving.org/urn:nbn:de:hbz:466:1-73889)

AUCTORE
ANONYMO.

regis Johannis coronationem anno, ad petitionem illius tranfretavit iterum beatus episcopus, ut interesset colloquio ipsius cum rege Francorum, in quo demum pax reformata est.

hh *Hujus nominis secundo. Obierat anno 1188.*
ii *Bernardus II Bellicensem cathedram occupabat anno 1198. Catalogus illustrium Carthusianorum, teste Guichenono, de illo hæc habet: Obiit vi Martii mcccvii Bernardus, ex Carthusiano Bellicensis episcopus, omnis virtutis et sanctitudinis speculum.*

kk *Guichenono teste in Historia Brevis et Beugesis, ita habet Catalogus illustrium Carthusiensium: Sanctus Artholdus, ex Cartusiano*

Bellicensis episcopus, stupendis miraculis clarus obiit anno mcccvi pridie Nonas Octobris. *Item Martyrologium ecclesie Lugdunensis: Secundo Nonas Octobris obiit Artoudus, bonæ memoriæ monachus Alveria et sacerdos, quondam episcopus Bellicensis.*

ll *Anno 1200 Guigo hic, Averia Prior, una cum Bernardo Bellicensi præsule mox memorato ortam inter Carthusianos Portarum et monachos Ynimontis litem composuit; ut ex confecto ea de re ab ipsis instrumento patet apud Guichenonum in Serie episcoporum Bellicensium pag. 58 et binis sequentibus,*

DIES SEPTIMA OCTOBRIS.

SANCTI, QUI NONIS OCTOBRIS COLUNTUR.

- S**ancta Justina V. M. Patavii in Italia.
- B** SS. Marcellus et Apuleius MM. Romæ.
- S.** Eumenius episcopus conf. Alexandriae in Ægypto.
- SS.** Sergius et Bacchus martyres in Syria.
- S.** Julia virgo martyr in Syria.
- SS.** Quartus et Marcellinus Capuæ in Campania Italiae.
- S.** Marcus Papa confessor Romæ.
- S.** Helanus presbyt. conf. in pago Remensi in Gallia.
- C** **S.** Leopardinus monachus M. Albinaci in pago Borbonico.
- S.** Augustus presbyt. abbas apud Bituricas in Gallia.
- S.** Palladius episc. conf. Mediolani Santonum in Aquitania secunda.
- S.** Ositha vel Osgitha, V. M. in sui nominis oppidulo comitatus Essexiæ in Anglia.
- S.** Adelgisus episc. Novariensis conf. in ducatu Mediolanensi.
- S.** Martinus primus abbas Belli-fontis, nunc Vallisparadisi, in Legionensi regno Hispaniæ.
- S.** Geroldus Coloniensis, pro martyre cultus, apud Cremonam in Insubria.
- S.** Pipio diaconus conf. Bellinæ in Vastinensi Gallia tractu.

PRÆTERMISSI ET IN ALIOS DIES RELATI.

Sanctæ Pharaïldis corporis Gandavum relationem hac die signat Ms. Florarium Sanctorum hoc modo: Apud Gandavum Relatio sanctæ Pharaïldis virginis, sororis sanctæ Gudulæ virginis, de stirpe Karolidarum. Hujus sanctæ Virginis gesta exposita apud nos sunt, de ejusdemque translationibus actum est die

iv Januarii.

S. Virgilius, Arelatensis archiepiscopus in Gallia, hodie legitur apud Bucelinum in Menologio Benedictino. Actum de eo in Opere nostro est die

v Martii.

Marci eremite in Ægypto, qui Anachoretarum

Vitas scribebat, hodie meminit Franciscus Maurolycus in suo Martyrologio, eumque secuti sunt Ferrarius in Catalogo Generali Sanctorum, qui non leguntur in Romano, auctorque Martyrologii Germanici, at de cultu illius nil proferunt. Vide, quæ de eodem annotata apud nos sunt in Synopsi historica de altero S. Marco monacho in Ægypto ad diem

v Martii.

SS. Silvii, Hilarii, et Honorati, episcoporum confessorum, et Pappoli episcopi et martyris Inventionem Tolosæ hoc die memorat Molanus. Simili modo Saussayus in Martyrologio Gallicano ad eundem die habet: Tolosæ inventio sancti Pappoli episcopi et martyris, ne non

A necnon sanctorum confessorum, pariterque pontificum, Honorati, Hilarii senioris, et Silvii, in Basilica sancti Saturnini quiescentium. Ferrarius in *Catalogo Generali Sanctorum, qui in Martyrologio Romano non sunt, quamvis Molanum in Annotatis laudet, unius dumtaxat S. Papuli inventionem refert his verbis*: Apud Tolosam Inventio S. Papuli martyris; monelque, hunc non fuisse episcopum, sed discipulum S. Saturnini episcopi. Sollerius noster ad istum Molani textum fateatur, nescire se, unde hæc accepta sint; ceterum Papulum inventum dici mense Octobri anno 1265. De S. Silvino episcopo Tolosano, ejusque ac reliquorum Sanctorum corporum inventionem adi diem

xxxii Maii;

De S. Hilario Tolosano idem episcopo

xxi Maii;

S. Honoratum ejusdem sedis antistitem Castellanus annuntiat die 25 Decembris, sed, eundem coli, ait, die 16 ejusdem mensis. Vide ergo dicenda ad

xvi vel xxv Decembris;

De S. Papulo denique consule dicenda

iii Novembris.

B S. Marcum, velut Bovinensem in regno Neapolitano episcopum, hoc die recenset Marius de Viperis in *Catalogo Sanctorum ecclesie Beneventanæ*, asserens, corpus illius Beneventum translatum in æde eidem dicata servari, hujusque translationis festum ibidem hodie celebrari, Natalem vero Bovini die 24 Julii; ceterum ignorari tum gesta ejus, tum tempus, quo ille sederit, quoque post obitum suum Beneventum fuerit translatus. Nec mirum est; nullus enim Marcus in Bovinensium episcoporum *Catalogo notus est apud Ughellum tom. VIII Italiae sacræ editionis Venetæ, ubi hic a col. 249 exhibetur; quem vero Bovinenses, non quidem die 24, sed 14 Junii colunt, et cujus corpus servant, non fuit is Bovinensis episcopus, sed Luceriensis in Apulia Daunia, cujus gesta Henschenius noster illustravit ad dictum diem 14 Junii, ibique docuit, illum a Bovinensibus coli, non ob gestum Bovini episcopatum, sed ob translatum eodem corpus. Porro in Vita ibidem edita num. 15 dicitur hujus Sancti festum celebrari Nonis Octobris, hincque factum est, ut ad 24 Junii in Prætermisssis ex Viperis laudatus S. Marcus ad præsentem diem 7 Octobris remissus fuerit: verum ex iis, quæ Henschenius in Commentario prævio ad S. Marci Luceriensis episcopi Vitam disseruit, satis liquet, Marcum octavo Kalendas Julii Beneventi cultum, vel prorsus ignotum esse, vel Luceriensem episcopum. Consule ergo ipsum citato die*

xiv Junii.

S. Augustialem, ut episcopum, Bituricis in Gallia sic hodie memorat nostrum Ms. *Florarium Sanctorum*: Bituricas civitate depositio sancti Augustialis, episcopi et confessoris, cujus gesta habentur. Consonat Grevenus in *Auctariis Usuardinis apud Sollerium eodem die dicens*: Bituricas civitate, depositio sancti Augustalis episcopi. At quis est hic S. Augustalis episcopus Bituricis annuntiat; nam inter Bituricenses quidem episcopos nullus ejus nominis recensetur? Philippus Ferrarius in *Catalogo Generali Sanctorum, qui non sunt in Martyrologio Romano, eundem hoc quidem etiam die, sed Arelati annuntiat, Arelati, inquit, in Gallia, S. Augustalis episcopi, Octobris Tomus III.*

atque in *Annotatis ibidem observans, hunc in Romano die 7 mensis Septembris celebrari. Arelati etiam Andreas Saussayus illum utroque die, 7 scilicet Septembris ac 7 Octobris assignavit. At, cur igitur, inquit, Augustalis hodie in Florario Grevenoque Bituricis annuntiat? Suspicio mihi est, auctorem Florarii ex affinitate nominum Augusti presbyteri, quem hoc item die Bituricis annuntiatum damus, et Augustalis episcopi, apud martyrologos ad diem 7 Septembris notioris, hodiernum sanctum Presbyterum et abbatem pro Augusto Augustalem et episcopum dixisse, relicto loco Bituricas. In Additionibus Mss. Carthusiæ Bruællensis ad Grevenum hoc ipso die legitur: Post AUGUSTALIS EPISCOPI ponebatur in margine: Alibi dicitur DEPOSITIO BEATI AUGUSTI PRESBYTERI ET CONFESSORIS. Vide itaque dicta hoc die in S. Augusto presbytero et abbate, ac in S. Augustali die*

vii Septembris.

S. Matthæi Evangelistæ natiuitas hodie legitur in Hieronymianis apud Florentinum. Colitur hic sanctus Apostolus et Evangelista, et apud nos datus est die

xxi Septembris.

S. Linus Papa hodie a Wandelberto, et Belino, ac in Appendice Adonis apud Rosweydim, in Florario autem nostro Ms. Sanctorum ejusdem Sepultura memoratur. Actum est de hoc sancto Pontifice martyre ad diem, quo in Martyrologio Romano recolitur, xxiii Septembris.

S. Hieronymi, Ecclesie doctoris, Octava hodie legitur apud Grevenum et in Martyrologio Germanico, vulgo Canisiano. Colitur hic Sanctus doctor, gestaque ejusdem prolife illustrata in Opere nostro sunt die

xxx Septembris.

Commemoratio sanctæ Mariæ de Victoria, quam beatus Pius quintus, Pontifex Maximus, ob insignem victoriam a Christianis bello navali ejusdem Dei Genitricis auxilio hac ipsa die de Turcis reportatam, quotannis fieri instituit; et Gregorius decimus tertius annum solemnitatem Rosarii ejusdem beatissimæ Virginis Dominica prima hujus mensis ob eandem causam celebrandam decrevit. Ita hodie Martyrologium Romanum. Spectant hæc ad peculiare Opus, quod post decursum annum sacrum, ejusdemque supplementum de beatissimæ Virginis Dei Genitricis vita gloriaque conscribendum erit. Interea addo hic eruditissimi Cardinalis Baronii ad istam annuntiationem annotata. Eo nomine Neapoli nuper erecta est ecclesia, egregium plane divinæ benignitatis monumentum, cum nostra memoria, anno Salutis MDLXXI, fidelium classis Sanctissimi D. N. Pii Papæ V, ac Catholici Hispaniarum regis Philippi, necnon inclytæ Venetorum reipublicæ fœdere coacta gloriosam ac cunctis sæculis memorabilem de Turcis, Christiani nominis infensissimis hostibus, ad Echinadas insulas, captis hostium triribus centum et octoginta, ceteris dissipatis, victoriam reportavit, fractosque nostrorum animos in eam spem erexit, posse inimicos nostros (modo in unum Christianorum animi viresque conveniant) nullo negotio profligari atque deleri; præsertim si (ut tum in his actum est) præcipuam in Domino, et non in armis, spem ponamus, peccatorumque sordibus expiatis, puræ ad Deum preces offerantur, ac Dei Genitricis Mariæ auxilium piis votis impleretur. Hæc de Commemora-

99 tione

- A *tionem S. Mariæ de Victoria: de solemnitate vero Rosarii subdit: Exstant litteræ Gregorii Papæ XIII, datæ sub annulo Piscatoris, anno Dom. MDLXXIII. Kal. Aprilis, quarum initium est: MONET APOSTOLUS, ubi singulis annis prima Dominica Octobris, ad memoriam dictæ victoriæ divinitus obtentæ perpetuo conservandam, et ad gratias Deo ac Deiparæ Virgini agendas, hujusmodi solemnitatem Rosarii perpetuo celebrandam decernit, atque in ea Officium duplex beatiss. Virginis recitari, in iis videlicet ecclesiis, ubi ejusdem Rosarii altare aliquod fuerit; cujus quidem Sodalitatis piæ preces ac processiones, ubique terrarum ea ipsa die, qua victoria parta est (quæ tunc fuit Dominica prima Octobris) de more factas, plurimum profuisse ad opem Dei Genitricis pro Christianorum classe obtinendam, pie credendum esse, proficitur. Hactenus Baronius. Porro Clemens Papa XI ob victoriam alteram a Carolo VI imperatore de Turcis in Hungaria anno 1716 relatam, ac paulo post eorumdem obsidione liberatam Corcyrensem insulam, eamdem Rosarii solemnitatem ad universam Christi Ecclesiam extendit.*
- B S. Marcum Papam geminum, primum ac secundum, hoc die memorant Mss. Additiones Carthusiæ Bruzcellensis et Martyrologium Germanicum, vulgo Canisianum. Nos non nisi unicum S. Marcum Romanum Pontificem agnoscimus, proximum S. Silvestri successorem, de quo hoc ipso die agemus; de altero vero quid censendum putemus, ibidem dicemus in Commentario prævio num. 14 et sequenti.
- Marcum Maximum, velut ex S. Benedicti discipulo Casaraugustanum in Hispania episcopum, cum Sancti titulo hodie annuntiat Buccelinus in Menologio Benedictino, laudans Franc. de Bivar, Manchesium, Cajet., atque ipsum Marcum Maximum. Tamayus eundem dedit ad diem 18 Septembris Beati appellatione honorans. Floruit quidem sub finem sæculi VI ac sequenti Casaraugustanus episcopus Maximus, cujus S. Isidorus Hispanensis in libro de Scriptoribus meminit; verum nec Marci nomen habuit, nec S. Benedicti discipulus, nec monachus fuit, nec denique eum sacrum cultum obtinuisse, usquam comperi. Lege, si lubet, eruditum Nicolaum Antonium in Bibliotheca veteri Hispaniæ tom. I, lib. v, cap. 2.
- C Dubhtachus de Druim-dhearb, episcopus Armachanus die 5 Februarii, vel 7 Octobris colitur, et Sanctus appellatur a Joanne Colgano in septima Appendice ad Acta S. Patricii, pag. 295, col. 2; ibidemque additur, eundem in Vita S. Tigernachi cap. 2 Duachum nominari. Hanc S. Tigernachi in Hibernia episcopi Vitam illustratam in Opere nostro habes ad diem 5 Aprilis, quam consule, si lubet, cap. 2, num. 10, præmissumque eidem Commentariolum num. 5. Sed ad diem 5 Februarii de Dubhtacho vel Duacho nihil apud nos dictum est; nec hoc die inter Sanctos Beatosse cum referre nobis licet, quia nescimus, quam firmum hic sit Colgani de ejusdem sacro cultu assertum.
- Sisai episcopi et confessoris hodie legitur in nostro Ms. Florario Sanctorum, et apud Greverum in sua Usuardi editione, ubi, unica litterula mutata, dicitur: Sysai episcopi et confessoris. Cum neutro loco hujus Sisai vel Sysai episcopalis sedes nominetur, nec alibi ipsum inveniam, præteor, nescire me, quis ille sit; ac, si quis noverit, libenter docebimur.
- D S. Marci, episcopi et confessoris, meminit Michael Monachus in Sanctuario Capuano pag. 70 ex Martyrologio Ms., cujus hæc verba exhibet: Nonis Octobris civitate Ecanæ S. Marci episcopi et confessoris. Quis fuerit hic Marcus, an Lucerinus in Apulia Daunia episcopus, et Bovinensium patronus, an vero Marcus, S. Prisci, Capuani episcopi et confessoris, Africa a Wandalis expulsi socius, haud satis liquet. Utrumque confudit Monachus, invitit licet utriusque Historia et diversa, qua uterque vixit, ætate. Verba laudati Martyrologii mox relata nulli aptius, quam Marco Lucerino episcopo, quadrant. Hujus Acta habes in Opere nostro tom. II Junii parte. 2 pag. 800 et sequ. jam pridem illustrata: de Marco vero, S. Prisci, Capuani episcopi, socio actum tum in Commentario ad Acta S. Prisci prævio tom. I Septembris pag. 210, num. 4, tum eodem tomo pag. 142 in Annotatis ad Acta altera SS. duodecim Fratrum martyrum lit. o.
- E Humbertum, velut Burbacensis monasterii Priorem, cum Sancti titulo hodie exhibet Arnoldus Wion lib. III Ligni Vitæ. In cœnobio, inquit, Burbacensi apud Frislarium, depositio sancti Humberti, Prioris illius cœnobii, conversationis sanctissimæ viri. Wionem secuti sunt Menardus et Buccelinus, hic in Menologio, iste in Martyrologio Benedictino; et Ferrarius in Catalogo Generali Sanctorum, qui non sunt in Martyrologio Romano. Porro Wion præluxit Joannes Trithemius, ut ipsemet ibidem in Annotatis docet his verbis: Hac die notatur ejus natalis a Trithemio, de Viris illust. Ord. S. Benedicti lib. III, cap. 271; qui tamen, quo tempore claruerit, non refert. Ipsum ergo Trithemium loco citato audiamus. Sic habet: De sancto Humberto monacho cap. cclxxi. Humbertus monachus et Prior cœnobii in Burbach prope Frislarium oppidum, vir sanctus atque eruditus, atque regularis disciplinæ zelosus amator, sua sanctissima conversatione Deo valde complacuit. Cujus festum agitur Nonis Octobris. Ita quidem ipse; at ejus solius auctoritas, qua sola laudati martyrologi utuntur, nequit sufficere, ut Humberto inter Sanctos Beatosse locum in hoc Opere nostro demus; maxime cum ipsum, quo Humbertus ille floruerit, sæculum taceatur, isque tam ignotus fuerit Mabillonio, ut nec in Actis Sanctorum, nec in Annalibus sui Ordinis de illo, quantum comperi, usquam meminerit.
- F S. Emani presbyteri et confessoris memoriam in pago Remensi, hodie signat Ms. Florarium Sanctorum, qui non est alius a S. Helano, de quo ex Martyrologio Romano hoc ipso die agimus. Vide igitur S. Helanum.
- Havydem monasterii Clari-fontis in ducatu Luxemburgensi, Ordinis Cisterciensis abbatissam cum titulo Beate hodie laudat Chrysostomus Henriquez in Menologio Cisterciensis his verbis: In ducatu Lutzenburgensi beata Havydis abbatissa, angelicæ vitæ et humilitatis admirandæ virgo, quæ nobilitatem generis nobilioribus virtutibus illustravit, et in monasterio Clari-fontis, cujus virginibus sanctissime præferat, honorifice tumulata est. In Annotationibus ibidem eam primam loci abbatissam

- A batissam fuisse, asserit, aliaque ibidem tum de ipsa, tum de ejusdem monasterii per Ermen- sendem Luxemburgensem comitissam sæculo XIII fundatione enarrat; at nihil de illius cultu, quem sane honorifica ejusdem sepultura ne- quit probare. De ejusdem parthenonis funda- tione, eaque occasione de ipsa demum tractavit in Liliis Cistercii lib. II, distinctione 9; sed nihil magis de cultu habet; imo nec Beatam quidem, præterquam in præfixo Operi Kalen- dario, appellat. Ab eodem titulo cultuque asse- rendo etiam abstinet Angelus Manrique in Annalibus Cisterciensibus ad annum Christi 1216 cap. 10, ubi eandem fundationem retulit ex Henriquezio. Beatam tamen etiam illam dixit Augustinus Sartorius in Cisterciobis- tertio tit. 18, pag. 48; sed haud dubie sola nixus auctoritate Henriquezii, quæ nobis non sufficit ad Havymdem Sanctorum Actis inse- rendam. Ceterum Joannes Bertholet Societatis nostræ presbyter tom. IV Historiæ Luxembur- gensis Gallice editæ, pag. 425 monasterium illud quatuor leucis Luxemburgo, unaque Oro- launo dissitum, hodieque florere scribit; sed primam ejusdem abbatissam, non Havigem, sed Helenam, aliis Beatricem dictam, vocat; quod etiam facit tom. V, in Chronologia abba- tissarum Clari-fontis inter instrumenta pag. 2, in qua non nisi tertio loco Hadwis legitur, sed pariter sine ullo cultus indicio.
- B Jothæ abbatissæ sine ullo addito legitur in Gre- veni Auctario Usuardino apud Sollerium; neque explicatius ait nostrum Ms. Florarium Sanctorum: Sanctæ Jothæ abbatissæ. Si quis illam ejusque cultum nos edocuerit, de ea pe- terit in Supplemento, vel forte alibi agi.
- Petrus Guarrigneus martyr,
Anastasius Mediolanensis conf.
Joannes de Badonali conf.,
Petrus a Pastrana conf.,
Franca virgo,
Ex Ordine
S. Francisci,
- hodie cum præfixo singulis Beati titulo memo- rantur ab Arturo in Martyrologio Franci- scano, addunturque, Anonymi confessores, quorum sanctitas signis admirandis commen- datur, inquit Arturus, Tuvani in Corsica in- sula; verum nec ipse eorumdem cultum probat, nec Huëberus Beati titulum ulli eorum adscri- psit in Menologio, ubi hoc eodem die etiam aliæ utriusque sexus ex Franciscano Ordine personæ virtutibus insignes recensentur.
- C Joannæ et sociarum in civitate Arima in Japo- nia martyrium hodie signat Arturus in Gy- næceo sacro, easque Beatas appellat. De earum- dem cultu nihil novimus.
- Johannes in Fastis Æthiopum apud Jobum Lu- dolfum hodie memoratur; verum cum absque ullo addito id fiat, quo de Johanne ibidem sermo sit, ignoramus, eique proinde in Opere nostro inter Sanctos locum dare haud possumus.
- S. Demetrius martyr hodie in aliquot Kalenda- riis occurrit, qui non alius videtur ab illo, quem Romanum aliaque Martyrologia postri- die annuntiant, seu die VIII Octobris.
- Dionisi episcopi, Januarii, Faustini, Martialis, Privati, Eracli, Juliani, Pelagiæ nomina sic hodie in Antiochia memorat vetustissimum Ant- verpiense, seu Epternacense apographum He- ronymianum, apud Florentinum; at cum eorum aliquot repetat postridie, quo die iidem omnes in vetustiori Lucensi Florentinii et in Corbeiensi leguntur, vide dicenda ad VIII Octobris.
- S. Caletrici Carnutensis episcopi, hodie sic memi- nit Grevenus apud Sollerium nostrum inter Auctaria Usuardina: Civitate Carnotis, in- ventio corporis sancti Caletrici, ipsius civi- tatis episcopi. Castellanus eundem Sanctum ad diem 4 Septembris, velut illi emortualem, retulit, unde in Prætermisissis relatus fuit, at- que hinc etiam refertur ad diem, quo colitur, VIII Octobris.
- S. Palatiam, alias Palatiatem virginem marty- rem Anconæ hodie annuntiat Ferrarius in utroque suo sanctorum Catalogo. Castellanus eandem ad diem 8 Julii recensuit: in Romano autem Martyrologio una cum sui exsiliis ærum- narumque socia S. Laurentia, quam Castella- nus ad Kalendas Octobris reposuit, celebratur die crastino, seu VIII Octobris.
- S. Laurentia cum S. Palatiæ; vide hic in Præ- termisissis S. Palatiam seu Palatiatem.
- S. Birgittæ viduæ canonizatio in Usuardi edi- tione Lubeco-Coloniensi, ac variis sacris Fastis hoc die recolitur. De eadem sancta vidua in hodierno Martyrologio Romano ad diem 25 Julii sic legitur: Ibidem (Romæ) transitus sanctæ Birgittæ viduæ, cujus sacrum corpus Nonis Octobris in Sueciam translatum fuit, et festivitas octavo Idus ejusdem mensis ce- lebratur. Vide ergo dicenda ad diem VIII Octobris.
- S. Wolfgangi episcopi geminam memoriam cele- brat Usuardina editio Lubeco-Coloniensis his verbis: Translatio sancti Wolfgangi episcopi et confessoris, et canonizatio ejusdem. Con- sonant nostrum Ms. Florarium Sanctorum, ac fere Martyrologium Germanicum, Canisii vulgo dictum, in quo ille dicitur fuisse epi- scopus Ratisponensis, qui in Romano celebra- tur die XXXI Octobris.
- Julianus presbyter et Casarius diaconus hodie in Menologio Sirlletiano et Menæis excusis me- morantur; verum in Martyrologio Romano annuntiantur ad diem, quo proinde, ni quid obstare fuerit inventum, dandi erunt, I Novembris.
- F S. Hugonis, Lincolnensis in Angliæ episcopi, Translatio hodie legitur in Martyrologio An- glicano. Inscriptus hic Romano est, dabiturque XVII Novembris.
- SS. Evasii et sociorum Translatio Casali in In- subria hodie legitur in Ferrarii Catalogo ge- nerali Sanctorum, qui non sunt in Romano. Vide dicenda de S. Evasio episcopo martyre, quo die in Romano Martyrologio Casali an- nuntiat, I Decembris.
- S. Lucius Britannorum rex hoc die legitur in Martyrologio Germanico, Canisii nomine vulgo noto. De eo agemus cum Martyrologio Romano die III Decembris.
- Polychronius martyr hodie in magnis Græcorum Menæis excusis et in Menologio Sirlletiano ce- lebratur; verum de eo, si nihil obstare inve- niatur, tractandum ad diem, quo Martyrolo- gio Romano inscriptus est, VI Decembris.